

**PEMBERITAHU PERTANYAAN DEWAN RAKYAT**

**PERTANYAAN :** LISAN

**DARIPADA :** DATUK NUR JAZLAN BIN MOHAMED [ PULAI ]

**TARIKH :** 19.6.2014

**SOALAN :**

**Datuk Nur Jazlan bin Mohamed [ Pulai ]** minta **MENTERI PENDIDIKAN** menyatakan mengenai status Bestarinet yang dilaksanakan di semua sekolah serta sama ada sistem Pentaksiran Berasaskan Sekolah (PBS) menggunakan infrastuktur yang sama dengan Bestarinet.

**JAWAPAN**

Tuan Yang di-Pertua,

Sebanyak 8,803 sekolah telah dirangkaikan dengan 1Bestarinet sehingga 04 Jun 2014. Sebanyak 1,316 sekolah yang masih belum dirangkaikan dengan 1BestariNet. Walaupun demikian, semua sekolah boleh mencapai Pelantar Pembelajaran Maya (VLE) melalui talian internet sekolah yang sedia ada.

Untuk makluman Ahli Yang Berhormat, Sistem Pengurusan Pentaksiran Berasaskan Sekolah (SPPBS) merupakan sistem yang dibangunkan secara *online* yang digunakan oleh guru pada tahun 2011 – Ogos 2013. Walau bagaimanapun, melalui penambahbaikan dalam Pentaksiran Berasaskan Sekolah (PBS) yang telah dilaksanakan pada 1 April 2014, pengisian data penguasaan murid menerusi **SPPBS secara online** telah **ditiadakan**. Walau bagaimanapun guru digalakkan merekodkan perkembangan pembelajaran murid secara *offline* dengan menggunakan Modul Perekodan Perkembangan Pembelajaran Murid yang disediakan dalam format excel. Modul ini boleh di muat turun daripada Portal Lembaga Peperiksaan.

**SOALAN NO: 110**

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : TUAN WILSON UGAK KUMBONG  
[ HULU RAJANG ]**

**TARIKH : 19 JUN 2014**

**SOALAN :**

**YB Tuan Wilson Ugak Kumbong [ Hulu Rajang ] minta PERDANA MENTERI menyatakan adakah langkah pengambilan pesara-pesara untuk menjawat jawatan semula secara kontrak akan diteruskan. Senario sebegini boleh menutup peluang untuk kenaikan pangkat para pegawai yang masih dalam perkhidmatan dan juga pengambilan para pegawai baharu kerana tidak ada pengosongan jawatan.**

**JAWAPAN: YB DATO' SERI DR. SHAHIDAN BIN KASSIM**  
**MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, pelantikan pesara secara kontrak adalah berdasarkan kepada keperluan perkhidmatan serta kesinambungan kepakaran, pengalaman dan kepimpinan yang diperlukan dalam agensi yang berkenaan di samping keperluan memenuhi syarat prestasi perkhidmatan yang baik semasa berkhidmat dan diperakui sihat oleh pengamal perubatan berdaftar.

Pelantikan ini dibuat bagi membolehkan peralihan pucuk pimpinan jawatan pengurusan tertinggi Kerajaan dapat dilaksanakan dengan lancar supaya keberkesanan penyampaian perkhidmatan awam tidak terjejas. Walau bagaimanapun, Kerajaan sentiasa akan memastikan supaya peluang dan ruang peningkatan kerjaya pegawai-pegawai awam yang lain tidak terjejas.

Sekian. Terima kasih.

**PERTANYAAN DEWAN RAKYAT**

**PERTANYAAN : LISAN**

**DARIPADA : YB. DATO' DR. NIK MAZIAN BIN NIK  
MOHAMAD**

**KAWASAN : PASIR PUTEH**

**TARIKH : 19 JUN 2014, KHAMIS**

**SOALAN:**

**YB. DATO' DR. NIK MAZIAN BIN NIK MOHAMAD (PASIR PUTEH)**  
minta **MENTERI KERJA RAYA** menyatakan sejauh manakah usaha  
Kementerian untuk menyenggara kerosakan jalan dari Pasir Puteh ke  
Tok Bali yang disebabkan oleh kenderaan berat dan apakah langkah-  
langkah untuk membaik pulih jalan tersebut.

**JAWAPAN:**

Tuan Yang Di-Pertua;

Untuk makluman Ahli Yang Berhormat, Jalan dari Pasir Puteh ke Tok Bali, Kelantan ialah berstatus Jalan Negeri (D7), iaitu terletak di bawah bidang kuasa Kerajaan Negeri Kelantan. Sehubungan itu, aspek penyelenggaraan jalan tersebut perlu dilaksanakan oleh Kerajaan Negeri, iaitu melalui peruntukan MARRIS yang disalurkan oleh Kerajaan Pusat pada setiap tahun.

Sekian. Terima kasih.

NO. SOALAN: 112

**DEWAN RAKYAT  
PEMBERITAHUAN PERTANYAAN  
MESYUARAT KEDUA, PENGGAL KEDUA  
PARLIMEN KETIGA BELAS (2014)**

---

**PERTANYAAN : LISAN**

**DARIPADA : YB PUAN SITI ZAILAH BINTI MOHD YUSOFF [RANTAU PANJANG]**

**TARIKH : 19 JUN 2014 (KHAMIS)**

**SOALAN :**

Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan bilakah jawatankuasa teknikal pelaksanaan Undang-Undang Kanun Jenayah Syariah diwujudkan serta apakah objektif dan ahli keanggotaannya.

**JAWAPAN: (Y.B. MEJAR JENERAL DATO' SERI JAMIL KHIR BIN HAJI BAHAROM (B), MENTERI DI JABATAN PERDANA MENTERI )**

Tuan Yang di-Pertua,

Untuk makluman Ahli yang berhormat, penubuhan Jawatankuasa Teknikal Undang-Undang Jenayah Syariah Peringkat Persekutuan adalah bagi memastikan pelaksanaan undang-undang jenayah Syariah dapat dilaksanakan dengan teratur dan selaras dengan

undang-undang berkuat kuasa serta memberi penjelasan dan pemahaman yang tepat kepada masyarakat.

Dalam hal ini, Kerajaan sedang meneliti penubuhan jawatankuasa berkenaan yang akan dianggotai oleh wakil Kerajaan Persekutuan, Kerajaan Negeri dan kumpulan pakar.

Sekian, terima kasih.